

Gwerz Sant Konogan

Ton anovezet.

DISKAN :

*Sant Konogan, eskob Kemper,
Klevit pedenn-tud ho karter :
Mougit ennoñp, en han' Doue,
Terzenn ar c'horf hag an ene.*

1

Ganet eo tost da Landerne
An hini vo eskob Kerne ;
A ouenn uhel ez eo e dud
Eus a noblans maner Palud.

2

N'eo c'hoaz nemet bugel tener
Pa zarempred skolaj Kemper ;
Ken lemm, ken skler, eo e spered
Ma sked evel bannou stered.

3

Landevenneg, goude Kemper,
A ro digor d'ar studier :
Skol ar venec'h, skouer o buhez
A-zesk d'ezan ar santelez.

4

Pemp bloaz e vo den a vrezel
E bro Leon en eur c'hastel ;
Met inouet egiz marc'hag
E kav gwelloc'h mont da veleg.

5

E Landerne eo e labour
Enep an diaoul, an enebour,
Da ziframma diouz e skillfou
Kement a c'hell a eneou.

6

'Wit ar beorien eun tad mager,
Egiz eun el ouz an oter,
Spered nerzus ha kalon c'hlan :
Setu skeudenn sant Konogan.

7

Hag eun dervez, marvet e dud
Ar Sant a dec'h diouz ar Palud
'Wit en em denn d'ar manati
Oa bet ennan war ar studi.

8

Landevenneg, lec'h a bedenn,
A wel ar Sant er binijenn :
Bara segal, griziu louzou
'Ro nerz neve d'e vertuziu.

9

Manach santel, Sant Konogan
A dle speria 'giz ar gwenan ;
Setu ma sav tal Landerne,
War urz e dad, eun gouent neve.

10

Met etretant, 'varv Korantin
Ha Kemperiz, war o daoulin,
A ouel, a bed hag a c'houlen
Egiz eskob ar manac'h Guenn. (1)

11

« Mouéz ar bobl, mouéz Doue ! »
'Man Konogan eskob Kerne.
Bepred ez eo ar « Pastor mat »
A gar e bobl da di-an Tad.



IMPRIMATUR :
Quimper, le 29 Aout 1951.
M. HERVÉ, v. g.

Da gana gant an Angelus

Angelus Domini...

1. Ni ho salud gant karantez,
Rouanez ar Zent hag an Aelez.
C'houi a zo benniget — O pia,
Hag a c'hrasou karget,
Ave Maria !


Ecce ancilla Domini...

2. Ra vezo benniget Jezuz,
Ar frouez eus ho korf evurus !
Kanomp gant an Aelez — O pia,
E veuleudi bemdez :
Ave Maria !

Et Verbum caro...

3. Ni ho ped, Mari, gwere'hez c'hlan,
Pa vezimp war hon tremenvan,
Da c'houlenn ouz Jezuz — O pia,
D'eomp eur maro eürus — Ave Maria !

Ora pro nobis, sancta... Oremus... Gloria Patri...



Adoromp holl

1. Adoromp holl, e Sakramant an Aoter,
Doue kuzet, Jezuz, hor Mestr, hor Zalver.
Sperejou evurus, Elez ar Baradoz,
Gant karantez a dan meulit-heñ deiz ha noz.
2. Gwir Vab Doue, en em c'hraet den d'hor prena,
En osti sakr oc'h kuzet 'vit hor maga ;
Plijet ganeoc'h skuilha, eus ho tron an aoter,
Warnomp daoulinet amañ ho pennoz, va Zalver.
3. Enor ha gloar ha karantez da Zoue :
D'an Tad, d'ar Mab, d'ar Spered Santel ive ;
Re vezo e pep lec'h an holl grouadurien
Aketus d'e veuli hirio ha da viken.